



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLXXXV. De Occisione multorum Pogesanorum.

urn:nbn:de:hbz:466:1-11850

rum non sine maxima strage fidelium, fratres jugo fidei vice altera subiecissent, & crederent, quod esset pax & securitas, repentinus supervenit interitus. Nam inimicus humani generis, hostis fidei, pacis æmulus Diabolus, intrans in corda ipsorum, provocavit eos, ut iterum rebellionis calcaneum exigent, ac contra stimulum induratâ nequitiâ calcitrarent. Cujus consilio acquiescentes omnes præter fideles Pomesanos, factâ (a) conspiratione, apostasiæ vitium committere intendebant. Nullus tamen publicè audebat se fratribus opponere, præter Pogesanos, qui Commendatorem de Elbingo & Helvicum de Goldbach Commendatorem de Chriffburg, & eorum socios armatâ manu invadentes, captos deduxerunt. Sed quidam dictus Povvida statim ipsos liberavit, Capellanum ipsorum Sacerdotem per gulam ad arborem suspenderunt, & quendam famulum ipsorum interfecerunt, reliqua pars familiæ in fugam conversa vix evasit.

ANIMADVERSIO.

(a) Defectionem hanc cœpisse An. 1272. Annone de Sangerhausen Magistro, & usque ad tempora Hartmanni Magistri, videlicet ad An. 1279. durasse, scribunt alii. Vid. Cœlestinus Mislenta in *Prefat. ad Manuale Pruthericum.*

CAP. CLXXXV.

De

Occisione multorum Pogesanorum.

HOc tempore Frater Theodorus de Lidelovv Advocatus Sambiensis de Almania reversus, Sambitas, qui ipsum tenerrime dilexerunt, ab errore hujusmodi revocavit. Quod cum Nattangi & Warmienses perciperent, & ipsi à conceptâ malitiâ destiterunt, promittentes bonâ fide Fratribus adherere.

COR.

*Hartmannus C. de Heldringen VIII. Mag. Gener. Ord. Teut.
Conradus de Tierburg IX. Mag. Provinc. in Prussia.*

Congrato itaque magno exercitu frater Conradus de Tierberg Magister & Fratres intraverunt terram Pogefaniæ, & viris sine numero interfectis, vastatâque terra incendio & rapinâ, mulieres & parvulos captos deduxerunt. Dum autem hæc agerentur, tam viri quam mulieres maledixerunt cuidam Sambitæ dicto Bonse, Camerario de territorio Pubeten (a) asserentes, quod ipse hujus nefandi criminis auctor fuisset motivum primum & origo. Hic Bonse voluit habere manifestè duas uxores, & quia fratres hoc prohibuerunt, provocatus in iram, omnes quasi Pruthenos ad Apostosiam incitavit. Unde exigentibus ejus demeritis, morte, quam meruit damnatus.

ANIMADVERSIO.

(a) Ubi olim Sacer fuit lucus. *Vid. Henneb. pag. 350.*

CAP. CLXXXVI.

Ad Idem.

Eodem anno, tempore autumnii Fratres iterum armatâ manu intraverunt prædictam terram Pogefaniæ, & vastatâ iterum incendio & rapinâ, captis & occisis omnibus, præter paucos, qui cum familiâ sua versus Lethoviam ad territorium castri Garthe secesserunt ipsam in solitudinem redegerunt.

CAP. CLXXXVII.

De Vastatione terræ Colmensis & territoriorum castrorum Grudens, Insula S. Maria, Sanvirii, Cruceburg, & destructione castri Clementis.

Hoc